

四庫全書

集部

欽定四庫全書

集部

御製詩二集卷二

詳校官尚書<sub>臣</sub>德保

助教<sub>臣</sub>常循覆勘

總校官原任中允<sub>臣</sub>王燕緒

校對官學正<sub>臣</sub>卜維吉

謄錄監生<sub>臣</sub>魏淳曾

欽定四庫全書

御製詩二集卷一

古今體一百二十三首

戊辰一

元旦

瞳矐祥旭肇開晨便覺韶華應律新  
仙木駢羅屏鏤寶瑞雲稠疊閣翔銀  
庖廡萬戶同民樂玉帛千方與物春  
保泰持盈心倍切欽哉自勗勗臣鄰

新春試筆

又拂新春試筆箋且將閒景荅流年藉非喜者憂何至  
可識彭將殤盡然小几金鈿猶錯置天街爆竹正喧填  
眼前花本非牢物

俗語云兒女眼前花

底鎮牽情擬棄捐

用金粟藏箋書經竭爾成詩輒書於後

昔彼金粟山製此藤苔質殺青印法華青蓮輝佛日巧

擘始何人雲影猶餘霽品過澄心堂用佐隨安室

朕書室名

宮內並周  
率育之

伊余豈知書聊以學搶筆惟茲玉版良義從

金口出作字於何宜恰稱波羅蜜同異異中同一二二

而一

題朱德潤秀野軒卷

徵士耽小隱幽居水竹便開軒  
秀野據榻吟高天佳話留今日  
良朋自昔年吳中故多士渤海  
獨成緣

閒題

年將不足畏事每有餘悲得句  
憑消悶叅禪郎斷癡兩疏誰為  
待三歲忽云甚憂喜一番夢長  
眠人未知

憶慧賢皇

貴妃薨逝至今春三替矣在時亦以嫡子未獲為憂今得而復失是一番憂喜夢也而彼不知興言及此殊難

為情  
云

祈穀齋居

排遣閒情解百憂區區肯為一身謀惟清六志將祈歲  
資始三春此迂麻靜聽閭閻誠既庶却慚富教尚難周  
所希大有寰區徧禮義隄防好細求

駿骨歌題龔開真蹟

翠岩荆楚倜儻人命蹇適丁兵燹時晨炊夕爨屢不繼  
錯莫墨突無黔期作馬聊以供日給法如篆籀出秦斯

逆旅荒寂乏几榻伏兒背上粗成之東郊瘦馬見是卷  
殍殘支立骨倚皮神氣龍騰目電發力甚矣憊意不羈  
幹惟畫肉早見誦求諸曹霸無前為想其賦意乃自況  
一寫磊砢舍餘悲有如原憲貧非病未遇武子癖且奇  
伯仲連吟誌珍重

開及其兄繡皆  
有題詩書卷後

後賢數輩留清詞江

村讀杜乃束手而我撫卷別有思天閑之馬多無萬水  
飲芻秣圉人司豈無詭銜並竊轡筋埋肉脹日以滋如

此駿者困泥滓疇則入告何由知

再題龔開駿骨二絕

底須市取費千金官字還堪六印尋今夕貴然同照夜

內府所藏韓幹照夜白真蹟向亦有長歌

風人三詠寄遐心

困傍鹽車擬一鳴肯教曹霸獨騰聲徐家月旦驪黃外

不向如來行處行

卷後題跋甚多惟徐理議其拘於十五肋為著相云

書詞林典故序畢因以賜大學士張廷玉魚成四

絕句

儘有研京並練都導言何用但吹竽便將翰苑登瀛譜



喚作卿家世系圖

日影花磚鈴索靜春風共署榜題雙寶山自古稱佳話

事業何人繼曲江

韻集燕公四十賢

劉昭禹云五言律如四十箇賢人

晨星數罷一凄然

朕幸翰苑廣吟者如大學士郭闕泰尚書張照輩不數年皆物故矣

即署壁府裛成帙重

憶柯亭劉井邊

見說房公獨善謀  
皤皤長領鳳池頭  
更兼兩世桓榮席  
誰不云然勝一籌

偶為寒梅命沈德潛題之因用其韻成詩即書左

方

最是風流絕倫比幾曾巖壑慕人知空林著月自為畫  
鐵幹臥雲誰入詩未必遊蜂常繞戶差教寒蕊不辭枝  
逋仙酬唱依宣室漫恨沉淪伏處時

德潛詩有可惜逋仙老巖壑沉淪未

遇聖人時之句

故反其意云

題燕文貴夏山圖

古秀云芬歲月多錦贖珍重印宣和即看與物開生面

渾是臨池寫擘窠如滴夏山常菴翠欲鳴晴峽漸增波  
高樓百尺軒而敞試一憑欄快若何

詣齋宮作

六龍夙駕迎春馭

次日立春

百辟同欽

祈穀齋麗日和風調玉律綵幡花勝耀天街

穹窿青宇禮

皇乾壇位瞻餘視豆籩

詣齋宮則視  
舉於乾隆七年

詣壇位此禮蓋

殿神主前拈香瞻拜閱  
視籩豆則去歲降旨茲始

議行云

禮酌簡繁惟致敬

心期暘雨協占年

齋宮坐久愛清嘉  
香裊明窗篆縷斜  
靜聽排門喧吉  
爆春音先到萬民家

上辛日

祈穀

祈穀卜年穰禋宗典制詳稜街分雪色  
田炬引朝光  
大享三成肅中和九奏揚一誠勤穆穆百執躋蹌蹌國  
本由來重民天敢暫忘屏營瞻

帝座靄靄萃千祥

張若澄水亭高士

水亭相對靜無塵  
荷製衣裳墊角巾  
檢校一篇隱士傳  
還教白眼看他人

石屏

文石孰所裁  
質樸用以靜  
本是山中物  
却貌山中景  
古月掛高天  
白雲蔚橫嶺  
王畫彼不如  
班對吾當省

題蔣溥雪中梅竹

樓雪簷晞暖未融，爭春香色品量中。  
看來幃裏依簾綠，訝似盆間破萼紅。  
即景適堪供靜賞，傳神應識有家風。  
三希重展添佳快，王氏風流若與同。

戊辰春帖子

韶令迎人轉條風，應律徐獻春將介壽瑞擁。

大安輿

是日奉  
后至乾清宮侍宴

皇太

寶几瑤牋燦詞臣帖子披，却思蘇玉局每頌不忘規。  
珠絲戶外將穉柳銀燕屏間欲掠梅，今日拈吟應得句。

青郊携却好春來

是日適以上辛祈穀

新春奉

皇太后重華宮小宴

紛來鸞鳳數無央  
玉宸金輿擁百祥  
西望瑤池降

王母

慈寧宮正在乾清宮之西故用杜句

東迎蒼駕莅青皇

是日立春

魚龍

曼衍頻陳瑞火樹  
龍葱待燭光  
七種預挑人日菜

在人日前

一日

萬年先進上元觴

文嘉仿米友仁雲山卷

衡山三絕肖老米休承亦復如虎兒家風輝映稱合璧  
藝苑盛事傳今茲瀟湘白雲留董蹟畫禪書室重拈題  
文水規模見是卷比似原作無然疑夜雨曉烟乍合泮  
三湘七澤渾迷離草草中不失天真元暉三昧誠得之  
妙哉道場山畔茗溪上屢教神往撚吟髭雙美合并信  
奇遇不脛妙喻有所思

新月



原是常年月新春頓覺新光凝絳渚鈎彩漾天津樓  
閣寒無滓松梅影絕塵會看三五夜海上湧圓輪

人日

恰喜始成人先逢有脚春繡屏金麥穗火樹玉華輪繞  
砌榮三秀堆盤試五辛條風徐已鬯惠澤願旋均

敬

天勤民寶四言詩

有序

皇祖御書鈐用諸璽

皇考制箱以藏之惟留是寶於外以鈐用

御書予小子敬遵成典收藏

皇考御寶時亦留是寶於外常鈐用焉是寶也經

三世而一例寶用且將垂之奕禩而無窮豈以追琢其  
章哉蓋取義有足重耳故記其梗槩而系以詩

交泰御璽定數遵

天

國朝傳寶向貯交泰殿中予詳加考定凡二十有五以符天數并為之記且著成譜藏之內閣云

掌

之黃閣傳以億年粵是諸璽綴文寓意玉案揮毫以資

抑植栝栳弗用墮衍尊藏繡縹金鐫永閔虹光惟此截  
肪用以

三世匪貴其材實珍其義其義云何敬

天勤民

祖考是勗逮於藐身

天視民視

天聽民聽一二二一作狂作聖挈綱提要四字心傳於  
千萬葉永矢乾乾

題文徵明獨樂園圖用蘇軾獨樂園詩韻

闢園百年上成圖百年下園圖均可傳名勝逾綠野書  
堂繡簡編竹齋列樽竿澆花與物春弄水知荷夏遊心  
飫禮樂結契招儒雅每先天下憂詎效香山社獨樂園中  
人究非獨樂者藝苑夥如林設色胡其寡乃今見衡山老  
筆出神冶如從刻畫求何異風牛馬亦足覘其人展卷誰  
能捨明窗適幾餘黃綯錯繡赭因讀長公詩吟情幾欲啞

聞山東得雪誌喜

青齊去歲歉春旱秋傷霖哀哉吾赤子每懷愁不禁雖  
有守土臣代予宣德音下策籌截漕博施且兼金誠慮  
苟或遺溝壑多呻吟謁

聖志有素巡方事匪今便道一體察庶慰吾民心三冬  
此望雪卜度東岱岑臘半始被澤連日同雲陰無何接  
奏章云霑大惠深遺蝗定入地宿麥將抽鍼消疫已病  
疾兆稔旣釜鬻豈予誠有格

嶽靈早降歆

金史卷之八十三  
卷一  
天地生物懷否極泰來駸嗟嗟方伯司後命爾其欽小  
喜毋或肆三時邈難諶

獨坐

無惊獨坐若無憑  
穉景萌韶亦可稱  
四句試參七佛偈  
千枝誰剪上元燈  
梅非有意縈金瑣  
月自多情度玉繩  
檢校年來憂喜處  
祇饒詩思是相應

演關雎詩

有序

古貞臣志士因物寓情類託為男女之辭其源蓋

出於風人至楚騷而益盛嗣是而降凡所為婕妤  
怨明妃詞之倫與夫去妻離婦涕淚謳吟冀自達  
於所天者非不得志於時激於情之不容已不若  
是其纏綿悱惻動人也予嘗讀其詞而悲之願以  
謂男女睽而其志通男下女是以亨男先於女者  
正也女之仇離宜其怨矣求凰之鳳朝飛之雉庸  
能恣然而未有明其旨者將所處不同自言其情  
而未暇及歟抑情迫而不敢望歟其或謂此君子

之事有崇其責者歟嘗歎詩小序關雎哀窈窕思  
賢才其言引而未發蓋得賢以自助仄席之求夢  
賚之兆作人雅化所由來遠也爰析句命章以意  
逆志申明旨趣凡若干篇後之讀者有以見予心  
焉

有雎者鳩和鳴關關言求其匹載涉其瀾  
載涉其瀾載泛其流言求其匹于彼中洲  
中洲瀾瀾河水泚泚言求其匹有蘋有芷



右關關雎鳩在河之洲三章章四句

嫵彼淑女言潔其容其容孔碩勗君子之躬  
嫵彼淑女言敕其儀其儀不忒勗君子之思  
嫵彼淑女言正其色其色斯莊勗君子之德

右窈窕淑女君子好逑三章章四句

維荇之菜其根菁菁潛彼中泠溯流從之時則逢之  
維荇之菜其葉離離潛彼中湄溯流洄之時則披之

右參差荇菜左右流之二章章五句

窈兮窕兮淑女佼兮庶幾覲之俾偕老兮

窈兮窕兮淑女杳兮庶幾覲之勞心悄兮

窈兮窕兮淑女藐兮庶幾覲之怒如擣兮

右窈窕淑女寤寐求之三章章四句

佩玉之璫長桂婀娜逝肯適我獨寐寤歌云何其可  
澹兮如菊溫兮如玉在彼空谷獨寐寤宿亂我心曲

右求之不得寤寐思服二章章五句

角枕粲兮錦衾爛兮夜漫漫兮之子之遠行迨旦兮翩

其來思以釋我怨兮

輕颺颺兮清漏適兮夜悠悠兮之子之遠時不我留兮  
翩其賁思以釋我憂兮

右悠哉悠哉輾轉反側二章章七句

猗猗苕菜素波濯之左之左之薄言擢之

猗猗苕菜素波漂之右之右之薄言擷之

猗猗苕菜素波激之悉率左右薄言緝之

右參差苕菜左右采之三章章四句

素琴之惓惓匪淑女之來思疇寫我心

朱瑟之曼曼匪淑女之貴思疇適我願

右窈窕淑女琴瑟友之二章章三句

荇菜之芳兮錡釜湘之

荇菜之清兮豆登薦之

荇菜之脩兮明堂羞之

右參差荇菜左右芼之三章章二句

我有鐘鼓載伐載考以宴之子其聲肆好

我鐘噲噲我鼓逢逢以宴之子福祿攸同  
我鼓逢逢我鐘噲噲以宴之子德音不忘

右窈窕淑女鐘鼓樂之三章章四句

新春恭奉

皇太后幸圓明園

嫩日和風麗鳳城御園韶孟更鮮清恭陪

慈豫行時令樂向春臺驗物情凍柳臨堤舒眼纈溫花  
向席發心榮初來別有生欣處彌望鱗塍積瑞霙

漢王筆山

溫潤剛廉具雙德千年古物黜而澤介紹管城友即墨  
揮毫秀發資芸席筆陣文瀾兩無力硯左坐對多慙色  
照映如近裴叔則道筦天倪示微的

張若澄秋林疊嶂圖

底事林巒愛寄情每看文筆灑然清生秋庭裏詩為畫  
煉雪齋中弟繼兄隔歲縈懷吟且置一省觸目興偏生  
碧雲天在高山外題作排空雁字橫

新正曲宴外藩

青韶瓊苑景嫩日拂廬晨

每宴外藩武備院設武帳示優渥之意

我有來

朝客羣稱守土臣雕筵涓湛露令節啓光春既許歡心  
洽還遵禮數彬鵷班陪濟濟鷺羽樂振振內外需和會  
宗功逮後人

溫牡丹

節未上元嘉夜花看中洛名株誰為火攻下策宛勝生  
色新圖入夢韶華荏苒傍梅幻影扶疎恰如錢塘堤上

蘇小近接林逋

倪瓚秋山小景用文徵明題韻

衡皋結宇對秋空  
千里江山四柱中  
筆仗粗疎傳嬾瓚  
一般猶見古人風

唐寅高士圖即用其韻

有水澄泓有竹修  
村名水竹占偏幽  
世間難遇阮青眼  
海上曾聞孔掉頭  
拂座涼生高栝籟  
入簾波漾白蘋秋  
藥爐茗椀皆清絕  
廬服先生物外遊



賜尹繼善回江南總督任

熙績匪獨能亮工資羣彥詞林擅卓犖封疆推老練簡  
畀淮海區奏成佇底奠保障財賦地繭絲非所羨去歲  
吳淞災波臣勢方扇每念幸活民玉食不能噍賑濟救  
熬眉其何籌久宴安民首察吏瘡惡亦彰善設誠物乃  
孚逞明終必眩

淺春

淺春已含韶景物欣和暢御園致早佳風月無盡藏雪

酥大地滋永脆微波漾柳黃穉漸生桃紅苞未放湖山  
呈淡沲樓閣圖蓬閣新年幾務稀倚楯聊憑望北垞入  
近觀西峯列遙障郊垞靄霽烟燈火爭新樣皇州固富  
庶風俗隨時尚因憶蒙正言悚然志惆悵

冰牀

四載名遺禹雙輪制陋倕取形差比艮致遠匪因隨鏡  
面頻來往雷聲自逐追常看瓊屑噴底用錦帆移

上元前一日宴宗室王公

玉輪迎望漢邊明  
莫葉剛抽十四莖  
粉荔開筵韶景穉  
霜柑傳節慶霄晴  
樓前雨露輝華萼  
天上笙歌繞碧城  
歡洽更傳行葦什  
同堂常陋礪山盟

詠絡緯

皇祖時命奉宸苑  
使取絡緯種育於  
暖室蓋如溫花之  
能開臘底也每設  
宴則置繡籠中唧  
唧之聲不絕  
遂以為例云

羣知絡緯到秋吟  
耳畔何來唧唧音  
却共溫花榮此日

金人四庫全書  
卷一  
將嗤冷菊背而今夏蟲乍可同冰語朝槿原堪入朔尋  
生物機緘緣格物一斑猶見

聖人心

上元夜燈火詞

年前臘雪釀春寒火樹烘春此夕看那更流風讓佳節  
是晚有風  
入夜而止 頓教美景萃長安

清新每愛燕公句奇巧休誇蘇福燈大地都來成不夜  
小叅誰復得相應

玉輓應憐初度圓早扶冰影上瑤天六鼇駕海樓臺迴  
萬樹輝霞日月邊

例事燈詞不可刪  
瑣窓點筆遣春閒  
哀鴻陡憶吳淞郡  
縱對銀花未解顏

命張若澄仿文徵明溪山深雪用題徵明是圖原  
韻

居然煉雪舊齋邊

若靄有煉雪齋印  
記若澄其弟也

畫格書禪肖腕縣

為仿停雲瀟灑筆玉峯高欲倚瑤天

題丁觀鵬摹宋人漁樂小景

雪潭影集漁舟遠山積素寒浮設向孤篷問客應逢張  
志和流

上元後一日小宴廷臣

崇牙倚繡楹寶炬轟金莖宴繼上元節歡連堂陞情向  
筵仙卉發隔座草蟲鳴即景思調鼎匪今重大烹同雲

看薄暮望月

是日始望

欲韜明共眇初春雪東郊利早畊

御園初春即事

燈事將闌月漸弓  
文窓點筆向東風  
池心幾許春永脆  
簾角一番晴照融  
凍柳欲迴消去綠  
溫花難駐幻來紅  
每因代謝叅生滅  
畢竟循環無始終

竹塢雲軒路逕斜  
芸壚茗椀各清嘉  
侵尋書課消繁慮  
次第閒情樂歲華  
啁樹春禽彈舌綺  
友松古鶴泯心葩  
中庭步履知消息  
嫩綠緣階已作芽

結習詩吟未盡刪  
搜題月下更花間  
也知是道誠何益  
且喜流光往復還  
帶雪高峰明碧落  
向陽新水響潺湲

邇來底覺相應處憂喜頻經鬧後閒

燕九日

載陽遲景蕩晴空雪色水紋暖漸融依舊東風來上苑

偶因佳節憶琳宮

燕九始於邱處機都下長春宮至今為勝會焉

流風遺俗追

尋處去歲今年想像中只有烟花還戀賞晚來強作耐

時紅

都下燈火自上元至燕九為盛過此則皆收矣

春水

春風入池塘吹解堅冰冷凌紋散密綴波花漾輕影魚



負彼何知狐聽此應警擬將藏錦柁未許放綵艇蟬翼  
乍可方虎步誰能騁

寓水嬉之意

獨憶穆滿言惕然發深省

### 漢玉赤刀

何來天畔赤霞低豈是當年在序西  
鼉采不徒誇琬琰葆光寧復比玻瓈  
因思不琢何成器每愛今居古與稽  
多少神仙題籙籍誰將津逮問刀圭

### 周鯤山水十幀

### 溪村春曉

初生春水鏡開匣裊裊東風拂鬢髯柳綠桃紅淡無際  
右丞詩畫合同拈

湖陰泛鴨

膩雲送雨溪村暗笠屐尋詩亦絕勝但得心機忘物我  
野鷗家鴨總堪朋

松壑鳴泉

眼中色是耳中聲見說畫者能移情去歲田盤最深處  
淙淙寒玉至今鳴

招提烟暝

遠山城郭望依稀  
落照秋江淡晚暉  
古木烟深羣鳥下  
疎鐘雲杳一僧歸

江帆秋影

落霞孤鷺淡秋空  
掛席輕舸一望中  
不是天涯名利客  
何須為倩石尤風

黃葉邨莊

江鄉秋老亦堪誇  
錦樹籠邨闌綺霞  
過客若逢相借問

扁舟繫處是吾家

柳橋春漲

細雨微風蕩柳條  
拍船春漲未全消  
空濛一種宜人處  
彷彿江南廿四橋

松篁峭蒨

老松弱竹合比隣  
豈必忘年覓友人  
梵夾靜繙叅色相  
如來端的有三身

漁莊晚霽

生涯浩蕩付烟波  
沽酒烹魚樂若何  
西照一痕紅  
恁好樹梢還可矚漁簑

林巒烟雨

米家烟雨曾聞古  
石谷林巒復見今

周鯤此圖乃做王翬筆意也

坐

對千山雲外暗  
忽聽萬瀑樹頭斟

準噶爾所進大宛馬名之曰如意  
驄命郎世寧為圖而繫以詩

凹凸丹青法

唐尉遲乙僧善凹凸花畫法乙僧亦外國人也

流傳自海西

世寧西洋

人宛看龍是性何用月為題  
蕭霧權奇勝嘶風閭闔低

貳師曾未遣禮義固金隄

西師始自康熙年間至雍正十年大勝之後遂定罷兵之

議朕即位後彼屢遣使以定邊為詞將激我興師朕不允其請近則恭順有加向惟貢紹今加進馬矣

### 戲題詩韻

作詩者無不藉是書成詩而詠此者絕少故戲題之

沈約文思秀綵鸞書法精

唐女仙吳綵鸞手書詩韻石渠寶笈中上品真蹟也

六

朝傳賦詠千古作章程題句何稀見遺編太屈生十年

伴朝夕相對得無情

向在書窓日課書籍即位後總為一匣藏之此十三年間凡有吟詠

則用是本近以面頁淹漬故易以藏紙而書是作於上

### 前題再詠

稀見曾吟詩韻詩蛇添聊爾戲評之  
隋珠照物無迴照  
扁鵲醫人不自醫

### 春陰

倚檻眎雲容淒淒傍晚濃  
雨佳雪亦可春淺地猶封

俗云

小雪封地大雪封河蓋謂凍為封也

宿潤蘇原麥微風靜禁松年來頗有

詠如願却稀逢

填倉日偶感

寂是踐春頻遇節每教憶舊一牽情  
三年歲月堂堂過兩字空華了了評  
盤菜試挑生意趣盆花還看幻芳榮  
能言好鳥枝頭啅擬問因何不得平

初春太液池泛舟

新波泛瀲灩晴烟上苑韶光穉可憐  
幾幘屏山全入鏡一篙春水恰勝船



乍見輕黃上柳絲  
春來幾度棹移時  
繪之詩句渾如畫  
迴雁高飛太液池

凍解神池泛綠漪  
湖光山色發華滋  
蒸霞結綺無須眄  
好是含苞未放時

瀛臺攬景

春風習以和春水  
綠而鮮春苑既駘蕩  
春人亦熙閒寄情  
蓬瀛地得句水雲間  
昂首眺臺迴眸眺  
薊川谿桃未吐霞  
陌柳已帶烟向陽  
鵲補巢背雪雁下  
灘萬物欣

金匱要略卷一  
莩甲一心圖治安無逸戒嬉遊有卷勉惕乾

昔昔鹽二十首

有序

在昔吏部挾華聲騰六代渭尉廣藻體擅三唐風  
人之意斯深樂苑之傳有自故夫鸞笙鳳管多吟  
離別之聲蓋以雁塞龍沙鮮有歡娛之地忠恕者  
必有感矣窮黷者得無懼乎依道衡之往作句以  
為題效承祐之廣章詩仍其韻哀而不傷闕雖是  
矣泥而不滓離騷有焉惟是幾餘遣興匪爭詩客

之長亦曰即景成吟曲體下民之戚云爾

垂柳覆金堤

千條臨翠陌百結鎖芳閨已恨鶯春老那堪烏夜啼牽  
情籠洞戶弄影拂廻堤折得曾相贈玉關西復西

薜蘿葉復齊

繡戶簾幙捲文階卉任薜蘿知非浪子肯學見金夫樹  
草空傳背眠鴛得未孤中阿蘿布護長短自相殊

水溢芙蓉沼

金史卷一百一十五  
卷一  
品格全標秀鉛華盡洗濃葉為雲織蓋水是鏡芙蓉屈  
子文相契陳王賦不逢試看芳沼溢江海定誰從

花飛桃李蹊

桃李無言倚成蹊有相入聲依何緣覓侯印常獨理鴛機

月下蕭條色風前落莫飛明春須爛漫遠客想應歸

採桑秦氏女

陌上採桑女羅敷本姓秦不觀方渙洧寧棄載陽春雅  
淡惟憐舊遠揚亦愛新彈箏趙王悟豈是薄情人

織錦竇家妻

郎是治長罪儂非蕩子妻  
循環詩疊恨伊軋淚交啼  
織錦傳心苦流沙望眼迷  
行雲滂相擬終不任東西

關山別蕩子

消瘦移鸞帶淒愁對博山書  
沉白狼信竹倚女英斑  
不識歸來日仍如未別顏  
流黃明月照夜夢會逢還

風月守空閨

海燕雙栖好廬家堂獨空  
帳寒金麥穗衣疊玉屏風  
淡

月朦朧際涼颼習瑟中含情難自遣欲訴有誰同

恒斂千金笑

從軍人萬里突將號無前顧影羞臨鏡何心舞向筵一  
顰徒自惜尺素竟誰傳傾國空聞古黃金漫費千

長垂雙玉啼

鈎絢將熨貼重疊粉痕啼衣寄愁鴻北心飛到隴西背  
彈溫冷被獨攸守空閨懊惱燈花暗多因珠雨迷

蟠龍隨鏡隱

棄置溫臺上塵生懶重看  
蟾光空獨照龍影鎮雙蟠  
繡帕風微拂金猊篆欲殘  
步檐睇孤月不覺露闌干

彩鳳逐帷低

花鳳當年繡雙雙尚舞帷  
誰知從別後此意竟成欺  
春曉羞開處秋宵靜掩時  
將心還自問何日是終期

驚魂同夜鵲

三匝無堪託一心誰共論  
翻憐寒夜鵲同是易驚魂  
玉塞山千疊銀河月半痕  
豈因慣燒腦終是不忘恩

倦寢聽晨雞

假寐欹珊枕飛魂出繡閨  
即今愁過雁憶昔賦鳴雞  
兩字刀環絕雙痕玉筋啼  
膩情恒似醉非為酌東西

暗牖懸蛛網

未讀東山詠蠅蛸宛戶前  
憐他絲百結似我念空懸  
映日纏絲影因風左右牽  
瑤窓勝錦瑟餘得幾條絃

空梁落燕泥

海燕雙飛去應羞人獨啼  
幾星珠點落一對羽衣低  
長



惜形依影徒聞絮着泥將刀分比翼難遣各枝栖

前年過代北

孤城界北代書尺幾曾經前歲巾餘血今年草又青珠  
釵鬆霧髻翠帔冷雲屏夢到征人畔霜輦不忍聽

今歲往遼西

聞道新移戍寒水更渡遼只思分袂苦那憶畫眉嬌雪  
後邊風勁霜前塞樹彫想君迴首處雲嶺隔迢迢

一去無還意

金少卿八人三  
卷一  
記得分離日相期不日還如何一契濶長此望邊關條  
脫歌筵冷步搖舞席閒便令重會面非復向時顏

那能惜馬蹄

吏部錦心麗山陽綺思淒效顰終覺醜得免亦忘蹄紫  
塞安畊鑿清時息鼓輦偶然懷繾綣吟倚畫檐低

御製詩二集卷一

欽定四庫全書

御製詩二集卷二

古今體九十八首

戊辰二

戊辰仲春東巡祭

闕里秩岱宗初四日自京奉

皇太后啓程得詩八韻

幼服

先師訓宮牆念在茲  
魚懷岱宗麓堂阜訝何其二月言

巡魯六龍始戒達鴻猷思

聖祖烏養奉

徽慈麗日瞳矐暖祥風左右披千官紛祖餞萬騎擁旌  
旗武脩由來赫民艱藉以咨景行終待仰膏澤豈稽施

盧溝橋

長虹亘渾河石欄接芳埒東風已解凍洪波流決決聒  
耳松泛濤奪目花飛雪計偕指日來曉月應聯轡別足  
志孰甘點額中紛熱驅車幾度過興會一番別

良鄉道中二首

春風廣陽道嫩日蕩晴川宿麥符農候垂楊育客鞭遙  
峯明郭外新水繞邨前西望

橋山路

每謁  
常由北路云

泰陵

低徊意黯然

名郡拱皇畿龍泉

山名在縣  
西十餘里

澹翠微雉闌經歲古雁塔

入雲魏陽氣蒸春隴輕寒切曉衣望諸留故蹟高蹈獨  
知幾

弘恩寺

路轉林扉闢照園雲窩小憩忘塵喧川原春望全宜畫  
松竹古心靜可論

滿庭嘉蔭坐瞿曇每過偏教駐客驂笑煞闌黎慣添足  
指稱柏子令人參

風旛搖影入簷楹閒館依遲心跡清竭憶前年覓吟處  
初韶淺臘景相爭

雁

去年塞北逢南度今歲畿南見北翔清夜有時四五唱

遙天不繫兩三行  
泛從新水纔開凍  
眠憶殘蘆盡隕霜  
不許彎弓健兒射  
當春生意正昌昌

述懷

卜日謁

闕里六轡駕言東  
淺春已暄妍  
土膏脈起融  
綠麥抽新芽  
于耜興田功  
去歲薄有收  
菜色鮮或逢  
山左昨秋潦  
傷哉彼庶農  
保赤實多慙  
省歲徒責躬  
截漕與發帑  
聊以資殮殯  
流者歎轉蓬  
存者嗟哀鴻  
豈其宜時巡  
遇鯁

而舉豐抑亦有所思五字志深衷乙丑宣郡災十戶殆  
九空車駕曾過臨惠澤敷薰風不唯二鬴賜兼且百貨  
通況茲羣有司愛民孰文翁經予親咨度上下免相蒙  
以此例齊魯冀稍救困窮勤民仰

聖烈重道溯儒宗是行豈可無浮議漫交誼

琉璃河

曉韉十里擁春寒迤邐龍泉雲外看即景因思成大句  
徵文空說彥章竿



陌旁官柳穉方嫩坂上雛茵綠尚遲却愛新波添潋灩  
琉璃橋上俯琉璃

蒼烟澹靄菴寒塘迴雁纔飛三兩行何日橋頭坐斜照  
蓼花叢裡數鴛鴦

志書云琉璃河烟  
木蔥蒨尤多鴛鴦

輕風鴨綠漾新瀾盡意詩情馬上看侯度省方思古訓  
往來詎止為遊盤

夕

早駐休人力遲眠驗物情孰非惕息所敢令滿盈生半

決水蟾掛一灣銀渚橫旌門陳事例鏡鼓又喧鳴

涿鹿覽古

燕雲易水帶晴川涿鹿城南驛客鞭村指樓桑聞賸碣

河疏挾活始通船

挾活河久淤塞前歲經高斌奏請疏濬今始通舟楫

道元故宅

詢遺老子幹荒墟靄暮烟省識同然公道在千秋名勝  
以人傳

秋麥

秋麥茁原田芄芄過寸許督亢舊膏腴綠意欣可觀馳

驅戒僕人勤勩咨農父去臘雪固佳尚靳沛時雨餅餌  
想香吹禾黍待趾舉近雖時作雲苦被風吹屢例事愁  
三春望澤徒延佇先憂詎有涯後樂其奚補

新月

乍非隔嶺栖輝處底用停杯試問之節過上元堪轉憶  
光韜滿鏡未全披獨憐武帳拈吟際每值永天送朗時  
漏下驛傳封事至批黃也覺夜眠遲

撫顏真卿自書告身因題

漫將筋骨議前賢  
朱誥裴詩只廓填  
却笑劉涇珍背紙  
豈知徐竢得真傳

端莊流麗兩魚之審定  
分明識虎兒立德踐行人  
喜道如言行者復奚誰

舊稱乞米隣寒儉  
乍撫將軍訝宕雄  
何似告身垂正大  
黃庭遺得舊家風

吉光片羽總堪珍  
三百驪珠一串陳  
虎帳幾餘披几研  
對題心喜得佳鄰

## 過新城

堞樓就廢生榛荆新城宛然為舊城緩工修築尚未逮

朕以各省城垣雖無守禦之用亦宜聽其圯毀徒以修築費帑不貲故令各省視其緩急以工代賑次第整理是處蓋列於緩工者故尚未及修葺云太平亦可徵休兵民風土俗頗淳

朴去歲秋成二鬴足長官教養尚胥勤豈貴發奸與摘伏高臺南望餘頽基想像北宋全勝時鐵林軍人善彊弩意氣直與秋雲齊文恬武嬉時未久一帶界河猶弗

守

縣內白溝河亦名界河宋金分疆以此為界

吁嗟乎子孫無忘祖宗勞一

姓百世何難有

春柳

行人不與春柳期  
柳共行人相倭遲  
纔輕黃之昨見乍  
嫩綠之今垂  
冰已泮而蘸影  
鳥欲下而牽絲  
朝烟漠漠暮雨霏霏  
風光婉婉縈吾思  
指日者吾將風乎舞  
雩浴乎沂

陰

朝來有滄勢  
萋萋憑輿凝望心  
殷兮羽林漫慮勞  
跋涉

多少農夫盼一犁

過容城

鳴梢逶迤歷郊原遺蹟千秋尚可論  
垢市劉生誠獨善

垢市村相傳劉因故里元時徵辟不就

椒山楊氏信長存

楊繼盛亦容城人

百年

人物風猶勵幾社詩書教共敦  
我有君師交責者愧無德化遍黎元

萬柳堤

佳名萬柳愛長堤馬踏春泥柳正稊  
幾縷畫情遮過客

一行烟意入新題

隔浦漁歌聞款乃拍堤桃水漲潺湲那知趙北燕南際  
恰似吳頭楚尾間

潤逼征衫絕點埃溪村幾處水縈迴白頭故老相逢問  
能道何家愛景臺

趙北口閱水圍詩

有序

趙北口水圍

皇祖時每於仲春舉行蓋畿南之水皆匯此俾有淀以



受之則不溢而為災且以習舟行飭武備

意深遠也戊辰二月東巡道經是地輒命水虞脩故事

觀閱之餘爰成十韻敢云繼

武敬誌窺

天云爾

蹕路唐興便

趙北口一  
名唐興

水圍一閱之昆明曾漏古

武烈尚貽茲淀水春生際渚禽北鄉時習蒐明鏡裏列

陣白雲涯里革雖懷直

軒轅自有奇止齊咸奉度矰繳不須施潛舍淵而出飛  
沉空以垂魚鴈偏後伍鴻漸羽為儀澤以虛能受人知  
勞勝嬉

廟謨欽仰處道左樹豐碑

皇祖御製鄭  
州水浞記今存

是日復得詩四首

趙北橋頭駐翠旗沙汀葦渚起鷗鷄道旁鞠脰逢邨老  
能說

仁皇水獵時

溪村水郭渺烟波換酒烹魚樂事多烟火萬家民自便

皇祖御製詩云萬家烟火隨民便是句敬用此意

至今遺澤沐熙和

效靈河若誠何有奏績冬官實不無

淀池之水自罷水圍後日以消涸高

斌為直隸總督疏濬並舉始漸復故道而去歲秋霖頗大頗此瀦蓄幸不成災土人遂謂因今歲水圍而水復來禽重聚語雖不經然疏導之功則不無云

生計水鄉應稍給夏魚秋芡早

春鳧

霞旆風帆漾綠漪菴禽恰稱仲春時承平武脩應勤習

不是金明競水嬉

趙北口即景

紅橋長短接溪川  
溪上人家不治田  
半笠滄波三月雨  
一隄楊柳兩湖烟  
孳將鶯鳴無官稅  
捕得魚鰕足酒錢  
今日飽粢漁者樂  
鳴榔春水綠浮船

燕南趙北舊曾聞  
歷覽真逢意所欣  
茗雪溪山吳苑盡  
瀟湘煙雨楚天雲  
漁歌隔浦驚鷗陣  
客舍開窓數雁羣  
方喜湖光滌塵垢  
何來詩思與平分

恭依

皇祖鄭州水淀雜詩韻

遠渚風生鷗浪長  
隄烟罨楊絲為問春湖何似一篙恰  
始勝時

船泊不妨淺處溪流曲繞人家得魚沽酒至樂頽然兩  
頰微霞

畫意湖光山影生涯沙嘴溪頭載得魚鷹棹去銀刀頃  
刻盈舟

不識鄭州佳處今朝領略方新記取禽魚咸若

聖人貽我熙春

雪

春冷還霏雪  
慘慘客路迎  
氣升著地化  
雲密亘空橫  
野

渡迷烟景  
村籬綴玉英  
王詵圖小幅  
即目似天成

王詵  
有雪

溪小  
景圖

短戍復長垌  
迷離合窈冥  
聞鐘知古寺  
策馬度郵亭  
隴  
麥方添潤  
隄楊不礙青  
恰逢舉趾候  
欣賞意為停

河間道中

問風畧先農桑候覽古欣過禮樂邦  
毛氏詮詩真詣獨獻王得士果無雙  
韶開邨店春光霽雪化溪橋野水淙  
憶我書齋訂經義幾多景仰在明窓

恭依

皇祖河間即古瀛州地詩韻

錯落經村舍菁葱問麥疇省方思古訓  
馭遠仰

鴻猷蹟考藩開館名傳魏置州  
仝期詩思麗當日一登樓

用沈佺期望瀛州南樓詩韻即效其體

井幹與麗譙華矣干雲霄勝名空籍籍追賞久寥寥此  
地尚存臺高樓想馭飈近連解犢館遠鵬飛虹橋問俗  
思艱深考古興懷遙所願敦詩書庶可化浮囂長吟雲  
卿詩穆如以為謠

過河間郡城即事

攬轡度武垣民瘼隨時咨頽城既畢築

河間府城久頽廢命以工代賑

發七萬帑金築之今則堆礫嚴整樹為雄郡矣

荒舍稍以治癸亥甲子間此地



海被飢聞之往來人灾黎漸不支柴薪千里無安得飽  
樹皮南顧增予憾溝壑填相隨勤宣命大吏分理督有  
司倉糧與庫帑爾何吝惜為邇年運轉旋有收天降慈  
厯覽愜予懷老幼咸熙熙叮嚀有蓋藏雞犬無羸疲乃  
悟向所聞人言或過之何以知其然古樹仍喬枝所云  
無柴薪誕也夫豈其設謂近所植粗應不及園以此例  
其餘前事誠可疑雖然更有說觀過仁可知救荒有常  
經寧濫毋或遺萬一諱灾傷何以保吾師

聞京師得雪志喜

憑輿欣看舞銀龍可遍京畿卜度重乍擘奏書需四寸  
恰當春仲利三農霞箋拈韻心初慰氈帳烹茶興轉濃  
獨憶三希辜靜賞若教佳趣讓前冬

閱本

驛遞傳封事批黃虎帳頻勅幾無內外克已敬天人俗  
遜唐虞代謨懷稷契臣惟茲乾惕志日久勵彌新

嵇康琴臺

阜城經古邑叔夜有高臺放達非中道琴尊乃致災遺  
名隨逝水荒蹟莽殘苔長賦因披讀千秋歎絕才

曉發阜城

身居九重上心固周寰宇要識疾苦形耳聞遜目睹豈  
能轍迹遍無逸時作所有司承德風兆庶需恩雨舉近  
可例遠或不無少補

去歲秋稍霖潦水積低田泥淤轉益麥茁隴看芊芊賑  
恤亦已施閭閻颺炊烟夾道近光民數豈啻萬千曾無

金匱先生集卷二  
鷓鴣形用卜家室全藉是少自慰大吏能勤宣設使居  
深宮安能知其然

讀書臺

春風經信邑即景動遐思在昔江都相曾聞此下帷荒  
臺餘故蹟古月尚如斯碩論驚三策明廷獻者誰

登景州開福寺塔

浮圖百丈接諸天千里山川近目前寶網穹窿摩鵲鶴  
洞窻疏達納雲烟龍蟠水府常聽貝雁下花宮自解禪

我志願希三代上那尋殘碣問隋年

停蹕

停蹕傳明日多人令小休故知勞願逸寧必進無留烟  
靄平原接花朝媚景柔

次日花朝

幾間檀室裏消得此冥搜

諭直隸扈駕諸臣

三輔拱皇都首善倡諸路農桑業各勤燕趙風猶素迴  
環十郡間

直隸十府朕所未經歷者止餘順德廣平大名耳

巡行亦已屢城郭

漸苟完黔黎實既庶教養誠本圖蓋藏更急務復恐奪

其食為之戒太遽

嘗謂積貯豈非急務而屢購糴以益倉廩亦足使價踴貴而民反失目前

之

利弊率倚伏所宜善施措邇年常偏灾溝壑寧無仆

賑恤恩縱逮承宣責應赴所見懷足慰未見意深慮趨  
永莫矜能撫字先懷恕

予告尚書魏廷珍家景州朕因東巡道經是地扶  
杖來謁詩以賜之

杖許扶靈壽衣看服遂初遺榮辭魏闕頤老返鄉閭便  
道因來爾同堂憶贊予白駒誠不駐林下幾三餘

皇祖栽培士于今賸幾人

廷珍於進士授翰林

皇祖時賜一甲

書房於衆翰林

恩眷有加

宣無師濟輩獨惜老成倫絃誦遺風在

桑麻樂事真如懷退憂志里教勉還淳

閒

拂廬停蹕片時間廣甸春風夕照間近藁自繙渾記里  
却教乘興一塗刪

韶光婉婉已堪憐草色遙青柳待眠驛騎未傳封事到  
遐心忽在大金川

收來雪水煮三清消得明窓樂事并漫謂崇高惟辟福  
要須辛苦識人情

至德州山東巡撫阿里衮率所屬來接詩以示之  
清蹕臨齊境春風廣陌開兆民看踴躍百爾効追陪重  
道

尼山近繩踪

堯德恢喜觀羣志戴切憶去年灾求莫驚心矣思艱蒿  
目哉庠須勤供奉不為豫遊來



二月十五日疊去歲盤山花朝韻

融風軟日臨花朝，  
竭憶盤山已前度。  
盤山去此千里餘，  
花朝相約仍不悞。  
今朝始歷青齊境，  
有禹之墟翠華駐。

是日駐蹕德州

佳辰邂逅客途中，  
春寒未許看如霧。  
烟邨柳垞亦足賞，  
榆火風箏將次賦。  
即景每欲驗民風，  
留情豈為耽花樹。  
寶璫綵勝底用張，  
湘管衡牋從未負。

暖

征衣隨日減煙景，  
與春深既喜客途便。  
因思農務侵東

郊將舉趾秋麥已抽鉞佇望甘膏遍年來此寸心

過運河

海運便而險河運艱而平舍便寧就艱計畫真老成疏  
導想前規轉輸達帝京我來度浮橋洶湧聞波聲岸旁  
柳已綠渚畔禽爭鳴一派江鄉景謀目恰稱情巨艘列  
河干截漕罷長征

山東運艘集此以截留漕米為賑濟本省之用故無事北上云酌茲

損益道念彼甓獨氓

賜劉藻

乞歸非獨往教孝有常經沂水風猶昔齊山不斷青棲  
遲安梓里俯仰樂萱庭災後民何若詳陳疾苦形

恭依

皇祖德州即事詩韻

二月東巡狩青齊駐節初敢云繩

祖武不為奠天書

用宋真  
宗事

民情驗尊親武備脩嚴肅蒙業後人安

浩澤如春燠

金史卷之三  
卷二  
柳色

昨來驛路多風塵，輕車下帷數百里。今朝風日和，且妍  
策馬郊原聊縱視。誰知柳色爾許佳，宰地柔絲垂颯颯。  
豈伊神解識花朝，是日花朝詎果韶光隔一水。遠籠村落烟  
雨中，近拂鞍韉畫圖裏。綰結春情擅獨能，品題芳物從

茲始

向聞

向聞齊鄭麥為秋，民天攸繫今誠見。遠町近隴綠意佳

夾道入觀生慰羨所歷燕南趙北郊亦有麥疇相雜間  
菁葱較此總未逮土俗民情各從便耳食書生謂誤農  
禹謨未讀何深譴獨惜未奉屬車塵應有後言從展轉

朕東巡之先雷鉉曾奏以鑿輅經過恐誤通省麥期伊  
蓋不知該撫所謂發價以補不能種春麥之地者不過  
指經由道路及營盤左右而言豈有通省連塍接壤概  
行荒棄之理雖曾降旨曉諭之而路旁滿日菁葱惜伊  
未經扈從不得一見  
或仍不無後言云  
既命馳驅戒羽林驄馬御史人更

憚

扈駕滿漢科道朕近降旨諭  
令隨時查察踐踏麥苗者

憑輿歷覽喜復憂邇來

又苦狂風扇數月之期縱可待一犁之雨早已盼災餘

賴此稍得濟所願餅餌千家遍  
巡行要為驗幽風休助  
還常慙夏諺

高唐覽古

春風偶此經齊邑行雨非關夢楚王  
見說東方待金馬  
何如盼子守高唐玲瓏日影標穹塔  
衛水波流簇遠檣  
為憶繇駒能變俗深慙刑措讓成康

桃

二月十六日

臨蹊初見幾枝開應節標芳有是哉  
辜負花朝真錯怪

迎人春色自東來

淺暈鰐脂淡染霞遊蜂亂蝶未周遮風塵溷處真堪惜  
妥置懸瓶薄護紗

隔歲相看灼灼姿風光宛爾入評思含胎莫道春猶淺  
好是不曾爛漫時

諭山東巡撫阿里衮並所屬官

謁聖詔早頒登岱志原素

朕降旨東巡蓋去年六月朔日也

食言理非

宜省方典有故矧遭去秋霖便因覘賑務截漕屆百萬

留帑多盈數炊非無米為策應以善布向聞流徙民提  
攜紛載路遮留非王政宣宜聽輕去頃入青齊境旌門  
兩移駐歷觀異所聞秋麥原未誤遠近徧菁葱餅餌風  
香度道左近光民扶老攜其孺暄飢色無菜得暖衣有  
布目睹稍自慰方慰還以懼得無爾有司飾予經過處  
萊青隔山嶺沂曹困沮洳既恐阻遐遠兼愁艱轉輸便  
使天悔災元氣未易復叶旬宣勉汝猷休助厘予慮

十里園



高唐壯十里廐有十里園一例村社中名幽地較偏綠  
樹園郭外新水流門前場圃築於旁菜畦開其邊詎誇  
亭臺麗而於農桑便想有幽人居頗宜詩者傳昨來苦  
風塵車帷曾未褰今日策馬度景物看暄妍緋桃花已  
開絳杏蕾早嬌韶令與行人爭進無留延幾曾飛落英  
胡至武陵源即景有會心稍為停吟鞭

徒駭

徒駭馬頰歷歷過疏導神功想大禹南徙以後迹已湮

名存亦復無定所孔

安班固

酈

道元鄭康

縱精核伐異黨

同襲緒語以此定論竟屬誰過北過南難悉舉數千年  
事豈易詳詳亦徒教成訟聚惟應愛禮尚存羊不妨數  
典還忘祖井田封建率善政居今匪可泥從古

荏平道中雜詩

鳴梢短驛復長堤堤上垂楊綠意齊  
孟館魯村經過處  
高山近已識端倪

王褒頌裏覓心安  
早是彭殤一例看  
道左便逢賀水部

不隨爐火問燒丹

曉烟低處辨郵亭  
野水鷗波綠正渟  
日午晴明聊縱望  
村墟疎密間葱青

杏花村外青帘有  
賣得荏山丁塊酒  
李白狂歌樓上眠  
想復此間醉一斗

翠軟莎茵乍入眸  
評量春色轡遲留  
因之覽古思佳士  
諫議何人繼馬周

馬首逢迎諸父老  
民艱親切得謳咨  
麥秋冀救燃眉急

又早甘膏入盼時

安徽巡撫納敏陞見入京茲以東巡扈駕便道遣  
赴皖任并賜以詩

屬車扈從轡如琴敬慎還同在羽林賡和底多誇藻采  
納敏頗能詩是行凡令隨駕  
諸臣賡和之作彼亦和之要須識我愛民心

山東上年被災州縣頗多雖屢加恩期災民不致  
失所而清蹕所歷深用惻然因再降旨加恩普  
賑一月以示優恤

齊魯民何辜連年未逢稔每念溝壑填深宮那安枕昨  
始入充境所見猶未甚寸衷稍自慰為之食甘腴孰知  
數日來觸景堪愁朕村落多蕭條老幼率惜懍腹飢嗷  
鴻哀衣薄狀鶴禁縱屢加賑施未足蘓淒凜休助古有  
經損益道須審用是截漕艘亟命發倉廩嗟哉守土臣  
旬宣其勤恁

東阿

治國有常經旌賢退不肖善哉齊威王賞罰不顛倒考

政在田野文飾安能冒定人在素行毀譽豈足較即墨  
應受爵適當勤勞報彼儉阿大夫烹之不為暴即境思  
古人惕然識政要一國近易察天下遠難照所以闢四  
門重華垂有耀

杏二首

豈於桃妬色愛傍柳為隣小別園亭趣來看齊魯春媽  
然標畫意默爾待詩人指日緇帷畔吾當仰後塵

乍見蓬萊種雲英爛四鄰平添二月景又度一年春好

處偏遮馬客中亦可人不無生護惜數日足風塵

見嶽麓

朝曦駐扶桑天際微茫分東來紫翠光隱隱瀟飛雲知  
是岱嶽麓初見意已欣杜甫有佳句果然符所云指日  
陟其頂一破蒼穹零

少岱

曉起望岱宗尚遠數百里平郊午蹕停少岱在尺咫已  
據拔地勢特因近嶽爾廣陸半月行見山心早喜斧斤

豈能禁山木憶嘗美峭壁餘孤松埽壘孫枝起樵蘇所  
不到於險得安只

即事

高唐赤地多八分災已成將謂率如此羸瘵難拄撐加  
賑爰降詔庶以慰民情今朝過東阿景象似少更村落  
足雞蔬麥苗亦葱菁覩此懷為寬不覺玉轡停民瘼貴  
體知巡狩有常經設惟事高居空談紙上兵

魚山口號



遙望魚山亦秀哉  
臨風弔古引清哀  
可憐西麓一坏土  
埋沒陳王八斗才

夜雨

海雲傍晚濃  
春風靜以止  
二麥望甘膏  
作陰亦可喜  
况復災傷後  
民艱得親視  
鳩形鵠面者  
孰非予赤子  
縱難博施濟  
豈可聽流徙  
惟賴天賜豐  
調幕慙上理  
武帳那能眠  
漏下三鼓已  
初聆浙浙鳴  
旋見綏綏委  
益麥更宜禾  
私心幸自揣  
無何勢轉微  
未足需一指  
虛擲今宵望

金史卷之八  
卷二  
適足增愁耳

所見

所見豐歉雖不齊聖有名言是我師罪疑惟輕功疑重  
賑教寧濫莫教遺汲黯發粟誠知要富弼救荒真合宜  
惠鮮懷保常厯念孰與共之良有司

渡汶河

滑笏春波浴翠鳬遙源縈繆接萊蕪風光一帶分齊魯  
支派千流匯港湖蹕路乍看橫蟬蜩舟蛟曾未守荊蒲

行來文獻邦知近戶有絃歌學有儒

春分日即景

柳綠花紅遠近村春光爾許費評論  
數聲野蘧梅前落幾處紙鳶風外騫  
曲疊遙山負烟郭潺湲新水繞柴門  
圃農隨分無他慮怪底幽人愛灌園

汶水吟恭依

皇祖原韵

肆覲東后修五玉

神堯家法貽軌躅魯疆初歷俯汶川春烟淡蕩波搖綠  
平陸

我經平陸短長驛每每原田茁冬麥嗟哉此土去秋災  
麥種借斗應償石惟望甘膏沛及時餅餌稍救燃眉危  
邇日風霾散薄雲咎徵予過復誰責發帑留漕豈吝惜  
拯殘起弊幾籌畫即境因憶孟子言惟宮展轉不安夕  
失伍驚心今宜無知罪空言亦奚益

衍聖公孔昭煥率所屬執事官並博士子弟來謁

詩以示之

和風融日颺前旌近止尼山慰素誠道左追隨賢後裔  
心殷瞻就魯諸生宮墻乍可窺巍煥籩豆從知備潔清  
豈為卿家榮幸獨崇儒雅化示寰瀛

滋陽覽古

宣繫尋文嘖與滋

滋陽本宋嘖陽明時以魯  
藩多大改為滋以厭之

裨竈往事

徒堪嗤汶泗清流曾不改鄒魯遺風宛在茲達巷關黨  
傳聖蹟東郡南樓想杜詩我無佳句酬攬結聊紀戊辰

春仲時



御製詩二集卷二